

影印
文淵閣

四庫全書

影印

文淵閣四庫全書

第九三三冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

記纂淵海(三)

宋 潘自牧撰……………一

欽定四庫全書

子部
記纂淵海卷六十二

詳校官中書臣涂日煥

主事臣祁韻士覆勘

總校官降調編修臣倉聖脉

校對官編修臣于鼎

謄錄監生臣湯師錫

欽定四庫全書

記纂淵海卷六十二

宋 潘自牧撰

問學部

總叙學問

子孔子謂伯魚曰可以與人終日不倦者其惟學乎
家學問之道無他求其放心而已矣孟子君子之學非為
通也為窮而志不因憂而意不衰也 真積力久則入
學至乎沒而後止也 君子之學也入乎耳著乎心布

欽定四庫全書

記纂淵海
卷六十二

乎四體形乎動靜學者固學一之也一出焉一入焉塗

巷之人也荀子

史范獻子曰人之有學猶木之有枝葉也國語東方朔曰

臣學書三冬足用漢書游衍乎六藝之圃馳騁乎仁義

之塗覽觀乎春秋之林修容乎禮園翱翔乎書圃相如傳

學之染人甚於丹青丹青吾見其久而渝矣未見久學

而渝者也虞溥傳陶鑄神情啟悟耳目北史仲尼積學成聖

唐書

傳記學者猶種樹也春翫其華秋取其實講說文章春

之華也修身利行秋之實也顧氏家訓

集考叢仁義之林班固典引姑古含今無有端倪皇甫湜撰韓愈

墓天然生知姿學立游夏上杜詩沉潜乎訓義反復乎句

讀磨礱乎事業而奮發乎文章人之能為人由腹有

詩書 學問藏之身身在則有餘並韓集

好學 附精專

經君子進德修業欲及時也易惟學遜志務時敏厥修

欽定四庫全書

記纂淵海卷六十二

乃來念終始典于學厥德修罔覺書說惟日孜孜無敢

逸豫書君陳夙夜強學以待問記儒行

子流水之不腐以其逝故也戶樞之不蠹以其運故也

子華用志不分乃凝於神列子好書者衆矣而倉頡獨傳

者一也好稼者衆矣而后稷獨傳者一也好樂者衆矣

而夔獨傳者一也倬作弓浮游作矢而羿精於射矣仲

作車乘杜作乘馬而造父精於御天下未嘗有兩而能

精者也荀子君子強學而力行揚子辰乎辰曷來之遲

去之速君子競諸揚子問明周公上聖日讀百篇仲尼天縱

韋編三絕墨翟大賢載文盈車仲舒命世不窺園圃倪

寬帶經以耘耬路生截蒲以寫書黃霸桎梏以受業竇

子夙夜以倍功抱朴子聞所不聞見所不見揚子宣尼臨沒

手不釋卷仲舒垂卒口不輟誦有子惡卧自恠其掌蘇

生患睡親錐其股以聖賢之性猶好學無倦劉子心若醉

六經 文中子

史孔子晚著易序彖繫象說卦文言讀易韋編三絕曰

欽定四庫全書

記纂淵海卷六十二

假我數年若是我于易則彬彬矣史孔子世家董仲舒耽學

下帷讀書十年不窺園圃其精如此前漢本傳倪寬帶經而

鋤前漢書蠶蠶不舍晝夜漢張蒼傳潛于篇籍以章厥身西漢班固傳叙

枕經籍書西漢實戲劉向專積思於經籍書傳夜觀星宿或

不寐達旦西漢本傳榮學長安精力不倦十五年不窺家園

後漢桓榮傳光武正旦朝賀禮畢令羣臣能說經者更相詰

難義有不通輒奪其席戴憑遂重坐五十餘席故京師為

之語曰解經不窮戴侍中後漢閉戶講誦絕人間事每嘗

昧爽櫛梳坐于客堂朝則誦義文之易虞夏之書歷公

旦之典禮覽仲尼之春秋夕則逍遙內階詠詩南軒百

家衆氏投問而作洋洋乎其盈耳也煥爛乎其溢目也

紛紛欣欣兮其獨樂也當此之時不知天之為蓋地之

為輿不知世之有人已之有軀東漢延李固郃之子也

少好學常改易姓名策杖驅驢負笈從師不遠千里遂

究覽墳籍為世大儒每到太學密入公府定省父母不

令同業諸生知其為郃子也通鑑漢皇甫謐耽玩經籍

欽定四庫全書

記纂淵海

四

忘寢與食時人謂之書海晉書車胤家不長得油夏日

則練囊盛數十螢火以照書以夜繼日晉書左思專思三

都賦杜絕人事杜預耽思經籍為春秋左氏傳集解

自言有左傳癖並同江泌隨月光讀書斜則握卷升屋

南李鉉以鄉里寡文集來遊京師讀所未見書北史李邕

自言讀書未遍願直秘閣李嶠曰秘閣萬卷豈時日能

習耶邕固請乃假直秘書杜佑嗜學雖貴猶夜分讀

書柳仲郢嗜學嘗和熊膽丸夜嚙以助勤並唐陸龜

蒙勤學卷不去手新唐書

傳記褚陶清談閒默以墳典自娛語所親曰聖賢備在

黃卷中舍此何求世說善學者若齊王之食雞必也食其

跖數千而後足呂氏春秋孫康家貧無油映雪讀書孫氏李

頻曰只將五字句用破一生心北夢瑣言劉向校書天

祿閣夜有老人著黃衣植青藜杖授向五行洪範云我

是太乙之精天帝聞卯金之子有博學者下而觀焉晉書

嘉拾遺傳匡衡勤學無燭鄰有燭乃穿壁引其光而讀之京西

欽定四庫全書

記纂淵海

五

記管寧隱居好學藜床半穿高士傳張儀蘇秦庸書過聖

人之文無題記則以墨書掌內股裏夜還折竹寫之王子

拾遺傳殷亮建武中為博士諸儒勝者賜席亮重席至八九

帝曰學不當如是耶殷氏

集諷誦詩書百家之言唇腐齒落服膺不失選東方朔

集螢映雪編蒲緝柳選薦筆耕為養選書禿千兔毫詩

裁兩牛腰李太白集白髮死章句同朝馳驚乎書林夕翱翔

乎藝苑韓文復志賦五頃刻不忘口不絕吟於六藝之文手不停

披于百家之編記事者必提其要纂言者必鈎其玄會

多務得細大不捐焚膏油以繼晷恒兀兀以窮年補

苴罇漏張皇幽眇尋隆緒之茫茫獨旁搜而遠紹古

史散左右詩書置後前豈殊書蠹蟲生死文字間並韓集

平居雖寢食未嘗去書息以為枕餐以飴口墓志

書林咀風騷于七畧耕情義圃偃園籍于九流駱賓王

益蘭膏燈猶研兔枝墨元稹耽嗜文籍注意鑽礪柳文鑽仰

沈研僅於不窺園井元微開卷有益便欣然忘食明

欽定四庫全書記纂淵海卷六十二

以道為飲以文為食聰察嗜學不肯為凡夫劉賓客貫穿

學問骨唐文粹退公猶筆耕劉賓客讀書眼欲暗下筆于生

胝白侍竟舜癯瘠大禹胼胝彼聖人焉吾布衣耳不勤

劬何以為妻子之天乎陸魯望猶波之委於瀆瀆之注於

溟晝夜何曾知息之時唐文粹

本朝農馬智專吾不讓後山騷人思苦骨巖巖樂城天

以日運故無疾器以日用故不素東坡尚有讀書清淨

業未嘗春睡敵千鍾東坡徐鉉點邠州年七十手不釋

卷常親隸書寫許慎說文一帙宋拾遺

不學

經不學牆面書周官雖有至道弗學不知其善也記學王

不琢不成器人不學不知道同上

子卜商反衛見讀史志者云晉師伐秦三豕渡河子夏

曰非也已亥耳讀史志者問諸晉史果曰已亥於是衛

以子夏為聖家語七十人不學雖無憂如禽獸何子揚

學凡薄之徒懷抱空虛有似蜀人匏壺之喻胃中無一

紙之識不過酒炙所謂賈子貨賄貪於酒食左氏所載

不才之子抱朴子五

史周原伯魯不說學閔子馬曰學殖也不學將落原氏

其亡乎左昭十八年范獻子聘于魯問具山教山魯

人以鄉對獻子曰不為具教乎曰先君獻武之諱也獻

子歸曰吾名其二諱為笑矣惟不學也國語秦有

司秦太白罰星東井秦分必有暴兵起京師秦主苻生

曰太白入井自為渴耳何所怪乎通鑑江州刺史陳伯

伯

之目不識書得大牒辭訟惟作大喏而已通鑑梁高祖北齊

源師攝祠部嘗白高阿那肱龍見當雩阿那肱驚曰何

處龍見其色何如師曰龍星初見禮當雩祭非真龍也

阿那肱怒曰漢兒多事強知星宿遂不祭陳紀又見三國典畧選

人入等者六十四人上召面試之張爽手持紙終日不

成一字時人謂之曳白唐玄宗紀光不學無術西漢霍光傳生世

不學其猶穴處何所見焉北史雷紀傳戶部侍郎蕭晃言燕

嘗伏臘為伏獵嚴挺之白張九齡曰省中而有伏獵侍

郎乎唐嚴浚傳李林甫無學術時選人嚴迥判語杖杜二字

林甫不識謂吏部侍郎韋陟曰此云杖杜何也陟俛首

不敢言唐書臧希讓無學術公卿間強引古言以自賢而

所聞知多道途得之發必差謬為士子所笑上同任圜曰

天下皆知崔協不識文字而有表號為沒字碑五代史任圜傳

傳記韓昶退之子也性闇劣為集賢校理史傳有金根

車昶以誤悉改根為銀字尚書故實五霍光無學不知

一經通史桓帝時有辟公府掾者倩人作奏記邯鄲氏笑林五見代

筆張由古無學業對衆歎班固文章不入文選衆對以

兩都賦燕然銘由古曰此是班孟堅非固也唐溫庭筠乾僖子

李建勲寵相江南出鎮豫章一日遊西山田間茅舍有

老叟教村童公觴於其廬連食數梨賓僚有曰梨號五

臟刀斧不宜多食叟笑曰鵲冠子云五臟離別之離非

梨也蓋離別胃懷有若刀斧遂就架取小冊振拂以呈

丞相乃鵲冠子也吳僧文瑩湘山野錄江南有一權貴讀誤本蜀

都賦注解鵲鵲子也芋乃為羊字人饋羊肉答書云損

惠蹲鵲顧氏家訓太常少卿姜度生子李林甫手

書慶之曰聞有弄麀之慶客視之掩口續說

記

強勉

經君子以自強不息易乾卦功崇惟志業廣惟勤書周官

子道雖適不行不至事雖小不為不成荀子修身鋏而不舍

金石可鏤荀子勸學

史子順曰人皆作之作之不止乃成君子作之不變習

與體成則自然也通強勉學問則聞見博而智益明強

勉行道則德日起而大有功仲舒傳

傳記蘇秦讀書欲睡引錐自刺其股血流至足戰國策

敬嘗閉戶讀書睡則以繩繫頭懸之梁上先賢傳

集策駕磨鈍陳子昂磨鉛重剗割策蹇再奔馳白侍郎無若

泰山之麓止而不得升也其惟川之不已乎柳文

偷墮

經惰農自安不昏作勞不服田畝越其固有黍稷書盤庚

欽定四庫全書

中人之性好逸豫無逸注弗為胡成太甲安肆日偷記末

逸豫無期詩白駒

子子貢曰賜倦于學困于道矣願息可乎家語處身而常

逸者則志不廣同上一進一退六驥不致荀子其為人也

多暇日者其出入不遠矣偷懦憚事無廉恥而嗜乎

飲食則可謂惡少者也並同肉腐出蟲魚枯生蠹怠惰

忘身禍災乃作荀子勸學

史懷與安實敗名左傳二十三年管敬仲曰宴安酖毒不可懷

也左閭元年吾儕偷食朝不謀夕左昭元年主民翫歲而惕日左昭

若益切雀鼠貪生苟乞一活耳通鑑東漢世祖紀相聚偷生如

魚遊釜中知其不可久且以喘息須臾間耳通鑑漢

集怠者不能修韓文原毀

本朝坐棄時日臨川筆硯生塵空度日樂城集

矯揉

經玉不琢不成器人不學不知道記學

子子路曰南山有竹不揉自直斬而用之達于犀革以

欽定四庫全書

此言之何學之有孔子曰括而羽之鏃而礪之其入不

亦深乎家語子路篇純璞不殘孰為犧樽白玉不毀孰為圭

璋紀渚子為齊宣王養關雞十日而問雞已乎曰未

也方虛憍而恃氣十日又問曰未也猶應響景十日又

問曰未也猶疾視而盛氣十日又問曰幾矣雞雖有鳴

者已無變望之似木雞矣其德全矣並莊子西門豹性急

故佩韋以自緩董安于性緩故佩絰以自急韓子木直中

繩揉以為輪其曲中規雖有槁暴不復挺者揉使之然

也荀子枉木必得槩括然後直鈍金必得磨厲然後利

荀子玉不雕瑱環不作器揚子海蚌未剖則明珠不顯崐

竹未斷則鳳音不彰劉子吳竿質勁非楷羽而不美越劍

性利非淬礪則不銑同上候自直之箭則百代無一矢候

自負之木則千歲無一輪韓子假儒衣書服而讀之三月

不歸孰曰非儒也揚子

史虎豹馬牛禽獸之不可制也及其教馴服習之至牽

持駕服惟人之從西漢公孫弘傳治性之道審己之所有餘而

欽定四庫全書記纂淵海卷六十二十三

強其所不足聰明疏通者戒于太察寡聞少見者戒于

壅蔽勇猛剛强者戒于太暴仁愛溫良者戒于無斷湛

靜安舒者戒于後時廣心浩大者戒于遺忘匡衡傳金在

礦何足貴善治鍛而為器人乃寶之魏徵傳

集利方以為圖楚辭若金受礪若泥在鈞張茂先木以繩

直金以淬剛必須砥礪就其鋒鋟蔡邕不自朱藍何還

素絲之質晉王倫表木之性直匠者揉以為輪金之性剛工

人理之成器豈人事也惟上智下愚特稟異氣中庸之

才全由訓習虞世南刻意厲行如奉商鞅之法而懼秦刑

皇甫湜唐太宗性本強悍勇不顧親而能畏義好賢

屈已從諫刻厲矯揉力于為善此所以致貞觀之治也

范唐鑑

博洽

經君子多識前言往行易大畜好古博雅君子書序君子之

學也博儒有博學而不窮記儒博學無方則內

子多聞曰博多見曰閒荀子修身

欽定四庫全書記纂淵海卷六十二十三

史鄭子產聘于晉晉侯有疾韓宣子曰寡君寢疾於今

三月矣今夢黃熊入于寢門其何厲鬼也對曰昔堯殛

鯀于羽山其神化為黃熊以入羽淵實為夏郊三代祀

之晉為盟主其或者未之祀也韓子祀夏郊晉侯有間

左傳晉悼夫人食輿人之城杞者絳縣人或年長矣無子

而往與于食有與疑年使之年曰臣小人也不知紀年

臣生之歲正月甲子朔四百有四十五甲子矣其季於

今三之一也更走問諸朝師曠曰魯叔仲惠伯會卻成

子於承匡之歲也七十三年矣史趙曰亥有二首六身

下二如身是其數也士文伯曰然則二萬六千六百有

六旬也杜註云亥字二畫在上併三六為身如筭之六

也同吳伐越墮會稽得骨節專車吳使使問仲尼骨何

者最大仲尼曰禹致羣臣于會稽山防風氏後至禹殺

而戮之其節專車此為大也史記有集集於陳庭而死楷

矢貫之石砮矢長尺有咫陳潞公使問仲尼仲尼曰隼

來遠矣此肅慎氏之矢也昔武王克商通道九夷八蠻

欽定四庫全書記纂淵海卷六十二十四

使各以其方賄來貢于是肅慎貢楷矢石砮長尺有咫

先王以分大姬配虞胡公而封諸陳試求之故府果得

之同莊子其學無所不窺史本褚先生好讀外家傳語

史滑東方朔多所博觀外家之語索隱曰外家非止經

史滑田蚡學盤盂諸書本劉向揚雄博極羣書漢司馬

遷為太史令紬史記石室金匱之書太史公其涉獵者

廣博貫穿經傳馳騁古今班固五經紛綸并大春後周

舉博洽為儒者所宗京師為之語曰五經縱橫周宣光

後漢沉淪典籍為儒家文林後漢仲尼恥一物之不知

晉張衡傳所觀彌博所習彌多日聞所不聞日見所不見晉

傳巨骨出吳集陳庭黃熊入夢亥有二首非夫洽聞

者莫識其端也東漢謝晉杜預朝野號為武庫言其無

所不有也晉書王粲博物強記問無不對魏志裴頠博學

稽古周弼見而歎曰若武庫五兵縱橫一時之傑也

荀勗于路逢趙賈人牛鐸識其聲及掌樂音未調乃曰

得趙之牛鐸則諧矣遂下郡國悉送牛鐸果得諧者又

欽定四庫全書記纂淵海卷六十二十五

嘗在帝坐進飢謂在坐人曰此勞薪所炊帝遣問膳夫

實用故車脚舉世服其明識並晉天下奇秘世所希有

者悉在華所由是博物洽聞世無與比惠帝中人有得

烏毛三丈以示華華見慘然曰此謂海鳧毛也出則天

下亂矣陸機嘗餉華鮓于時賓客滿坐華發器便曰此

龍肉也眾未之信華曰試以苦酒濯之必有異既而五

色光起機還問鮓主果云園中茅積下得一白魚質狀

殊常以作鮓過美故以相獻武庫封閉甚密其中忽有

雉雖華曰此必蛇化為雉也開視雉側果有蛇蛻焉吳郡臨平岸崩出一石鼓槌之無聲帝以問華華曰可取蜀中桐材刻為魚形叩之則鳴矣于是如其言果聲聞數里初吳之未滅也斗牛之間常有紫氣道術者皆以吳方強盛未可圖也惟華以為不然及吳平之後紫氣愈明華間豫章人雷煥妙達緯象乃要煥宿屏人曰可共尋天文知將來吉凶因登樓仰觀煥曰僕察之久矣惟斗牛之間頗有異氣華曰是何祥也煥曰寶劍之精上徹于天耳華曰君言得之吾少時有相者言吾年出六十位登三事當得寶劍佩之斯言豈效與因問曰在何郡煥曰在豫章豐城華曰欲屈君為宰密共尋之可乎煥許之華大喜即補煥為豐城令煥到縣掘獄屋基入地四丈餘得一石函光氣非常中有雙劍並刻題一曰龍泉一曰太阿其夕斗牛間氣不復見焉煥以南昌西山北巖下土以拭劍光芒豔發大盆盛水置劍其上視之者精芒眩目遣使送一劍并土與華留一自佩或

謂煥曰得兩送一張公其可欺乎煥曰本朝將亂張公當受其禍此劍當繫徐君墓樹耳靈異之物終當化去不永為人服也華得寶劍愛之常置坐側華以南昌土不如華陰赤土報煥書曰詳觀劍文乃干將也莫邪何復不至雖然天生神物終當合耳因以華陰土一斤致煥煥更以拭劍倍益精神華誅失劍所在煥卒子華為州從事持劍行經延平津劍忽于腰間躍出墮水使人沒水取之不見劍但見兩龍各長數丈蟠紫有文章沒者懼而返須臾光彩照水波浪驚沸于是失劍華歎曰先君化去之言張公終合之論此其驗乎華之博物多類此不可詳載焉 張華博物洽聞世無與比符元達善識味鹹酢及肉皆別所由或人殺雞以食之元達曰此雞栖常半露檢之皆驗又食鵝肉知黑白之處人不信記而試之無差時人以為知味並同 李守素通姓氏學世號肉譜虞世南曰昔任彥昇通經時稱五經笥今以倉曹為人物志可乎唐書 王元感為五經指南同殷踐

猷博學賀知章號為五絕龜謂龜千年五聚問無不可

知也新唐書劉杳博聞多識江右舊事緘青箱世謂之王

氏青箱學南史澄博覽無所不知王儉自以博聞多識過

澄澄俟儉語畢然後談所及遺漏數百十條皆儉所未

覩儉乃歎服曰陸公書厨也南史陸劉孝綽子諒悉晉

代故事時人號曰皮裏晉書南史朱异遍治五經涉獵

文史博奕書算皆其所長沈約曰卿年少何乃不廡异

未達約曰天下惟有文義棋書卿一時將去可謂不廡

欽定四庫全書

記纂淵海

卷六十二

房暉遠世傳儒學牛弘稱為五經庫隋書古事問仲

舒高仲舒今事問琳尚何疑唐書常爽為儒林先生北史

谷律那淹識羣書褚遂良稱為九經庫唐書本傳

傳記揚雄懷鉛抱杵從計吏訪四方語作方言西京雜記漢

武帝時未央宮殿前鍾無故自鳴詔問東方朔曰銅者

土之子以類言之子母感而相應山恐有崩移者故鍾

先鳴三日南郡上言山崩東方朔外傳徐堅多識典故七八

書府大唐遺事總括方珠包吞九府史通時無遠近事無

巨細必藉多聞以成博識史通

集并包書林揚雄兵法五十家爾腹為篋笥杜詩收百世之

闕文來千載之遺韻觀古今於須臾撫四海于一瞬陸士

自唐虞以來編簡所存大之為河海高之為山嶽明之

為日月幽之為鬼神纖之為珠璣華實變之為雷霆風雨

奇辭真旨靡不通達韓集書無所不讀然正用資以為詩

同鈎引貫穿舉大包小若太倉之蓄崇山之載浩浩乎

欽定四庫全書

記纂淵海

卷六十二

不可知也柳文藝遂六書學該七錄柳祭文武庫則矛戟森

然文房則禮樂盡存姚崇本朝晏公所為類要上中下帙總七十四篇六藝太史

公百家之言騷人墨客之文章至於地志族譜佛老方

技之衆說旁及九州之外遐僻荒忽詭變奇跡之序錄

皆披尋細繹而於三才萬物變化情偽是非興壞之理

顯隱細鉅之委曲莫不究盡老奇書可學知子雲之苦

心亡書復存賴安世之默識東坡集五

撐腸拄腹文字

五千卷 學如富貴在博收仰取俯拾無遺焉

並東坡詩

強記

史漢武幸河東亡書三篋詔問其能知惟張安世識之

具作其事後購求得書以相校無所遺失 霍光問張

千秋戰鬪方畧山川形勢千秋口對兵事畫地成圖無所遺

失並西漢張安世傳黃祖長子射嘗與彌衡俱游共讀蔡邕所作碑

文還恨不繕寫衡曰吾雖一覽猶能識之惟其中石缺二字為

不明耳因書出之射馳使寫碑還校如衡所書 彌衡目所

欽定四庫全書

記纂淵海卷六十二

二十

一見輒誦于口耳所暫聞不忘于心並東漢王起天下

書無不讀一經目弗忘新唐書費祿為尚書令識悟過人

每省讀舉目暫視已究其意旨其速數倍於人終亦不

忘通鑑魏即唐邕練習軍書自督將以下勞效本末及

四方軍士強弱多少番代往還器械精粗儲蓄虛實靡

不諳悉通鑑梁世祖劉興密視天下兵簿及倉庫牛馬器械

水陸之形皆默識之通鑑晉懷紀楊愔性強記一見皆不忘

其姓名選人魯漫漢自言猥賤獨不見識愔曰卿前在

元子思坊乘短尾牡驢見我不下以方麴障面我何為

通鑑梁敬帝

王粲觀人圍碁局壞粲為覆

之不悞一道其強記如此魏志本傳王粲與人共行讀道邊

碑人問曰卿能闇誦乎曰能因使背而誦之不失一字

同朱桓強識與人一面數十年不忘邵曲妻子悉識之

吳志本傳張華強記默識帝問漢宮室制度及建章千門萬

戶華應對如流畫地成圖強記默識四海之內若指諸

掌晉本傳唐太宗寫列女傳於時無本虞世南暗疏之無

欽定四庫全書

記纂淵海卷六十二

二十三

一字謬本傳張巡讀書不過三復終身不忘唐書本傳張巡初

守睢陽時城中居人亦且數萬巡一見問姓名其後無

不識者通鑑唐肅宗紀蘇頌一覽至千言輒覆誦唐書本傳李邕自

言讀書未遍乃假直秘書未幾辭去李嶠驚問隱為隱

快了辨如響唐書

傳記晉羅友為人強記從桓宣武伐蜀按行蜀道阡陌菓

竹皆默記之世說開元中常敬忠十五歲上書言能一過

誦千言張燕公召問曰能十過誦萬言乎曰能以萬言

試之七過已誦熟御史臺記太宗征遼碑在水中張建章帛

包麥屑置水中摸而讀之不欠一字北夢瑣言

集為人強記覽過眼不再讀偉哉羣聖文磊落載其腹

韓經目所涉莫不精誦唐文粹巡曰吾於書讀不過三遍

終身不忘也因誦于嵩所讀書盡卷不錯一字嵩驚以

為巡偶熟此卷因亂抽他帙以試無不盡熟嵩又取架

上諸書以問巡巡應口誦無疑嵩從巡久亦不見巡常

讀書也韓文張中丞後序

欽定四庫全書

記纂淵海卷六十二

三十三

本朝昔賢書曹娥碑後蔡邕夜闌手摸其文而讀之山見

詩張安道家貧無書常就人借三史旬日輒歸之曰得

其詳矣凡書皆一覽終身不再讀屬文未嘗起草東坡集

誌

膚淺

經記問之學不足為人師記學

子龜鼠五技而窮荀子勸學末世窮年不免為陋儒同上

史章句小儒破碎大道前漢夏侯勝傳

傳記屢舉舊事不知所出史通知古而不知今謂之陸沉

上同開元中馮先進入院校文選無復注釋解蹲鵠云今

之茅子即是著毛蘿菹院中學士向外說之蕭嵩聞之

拊掌大笑新唐書莊生有乘時鵠起之說故謝朓詩曰鵠

起登吳臺有人作七夕詩云今夜吳臺鵠亦共往填河

羅浮山記云望平地樹如薺有人詠樹詩云遙望長安

薺又嘗見謂矜誕為李毗高年為富有春秋皆耳學之

過也顏氏家訓

欽定四庫全書

記纂淵海卷六十二

三十三

集末學膚受張子平賦

蹈襲附代筆

經遞相祖述殆且百家孝經序

史葛龔者善為文奏或有請龔奏以千人者龔為作之

其人寫之忘自寫其名并寫龔名以進東漢書龔傳試之日

旁坐假手或借人外助多非其實新唐書龔志舒元興上書

馬周張嘉貞代人作奏卒為名臣新唐書傳

傳記王維有詩名然竊人詩句如行到水窮處坐看雲

起時英華集中詩也漢漢水田飛白鷺陰陰夏木嘯黃

鸛李嘉祐詩也李肇國史補葛龔善為文奏或有請龔奏以干

人者龔為作之因并寫龔名以進之時人為之語曰作奏雖

工宜去葛龔裴榮笑林又見史通漢桓帝時有人辟公府請人作

奏記卬鄆笑林又入不學不出胃臆非由機杼史通

集遞相祖述杜詩沿襲傷剽盜韓詩惟古於詞必已出降

而不能乃剽賊後皆指前共相襲從漢迄今用一律韓愈

樊宗師墓誌銘五入評文襲蹈前人言句韓文樊紹述墓誌窺陳篇以盜竊

欽定四庫全書

記纂淵海

卷六十二

進學解得毋假之人耶韓詩為文之士多漁獵前代戕賊

文史挾其意抽其華置齒牙間遇事竊起金聲玉耀

誑聾瞽之人邀一時之聲雖終淪棄而其奪朱亂雅為

害已甚柳集答友人求文章書

本朝段成式父之蜀以雉免遍遺幕府請人回書孔帖祥

符中命詞臣撰日本國祥光記當直者學不優常以張

君房代之既得宣甚急張醉飲樊樓紫微大窘後錢楊

二公作閒忙令大年曰世上何人號最閒司諫拂衣歸

華山謂种放也希白曰世上何人號最忙紫微失却張

君房湘山野錄

醇正

經非法不言非道不行孝經

子君子正而不它揚子問道非正不視非正不聽非正不言

非正不行夫能正其視聽言行者昔吾先師之所畏也

揚子淵纂

史非聖哲之書不好西漢揚雄傳仲舒推明孔氏抑黜百家

欽定四庫全書

記纂淵海

卷六十二

本傳遭漢承秦滅學之後六經離析下帷發憤潛心大業

今後學者有所統一為羣儒首董仲舒傳抑抑仲舒為世醇

儒西漢叙傳韓愈自比孟軻以荀況揚雄為未醇唐書韓愈贊愈

以六經之文為諸儒倡障隄末流返刻以模刻偽以真

其所得粹然一出於正同上

集非三代兩漢之書不敢觀非聖人之志不敢存韓文學

者尚知宗孔氏崇仁義貴王賤霸吐辭為經舉足為

法孟氏醇乎醇者也並同上